

Գազրիկ ճամփան ազատ գտնելով մտրակեց ձին եւ անհետ եղաւ, բայց մէկ քանի րոպէէն լսեց, որ արշաւաստյր մէկը կ'ուզար ետեւէն, իւր արիւնաներկ մուրճը ձեռքը՝ շրջեց ձիուն գլուխը եկող թշնամուոյն դէմ, բայց իւր ձիուն ընկեր պաշարակիր ձին էր, որ կ'ուզար խիսնջելով եւ դափր հատանելով: Ուստի շարունակեց ընթացքը եւ տեսաւ Եփրատայ ափանց քով Գրիգոր, որ իջած կը լվար ձիուն վերքը:

Իսկ նոքա, որ Սուրենի վրայ կ'ուզային՝ տեսնելով նորա իրենց դէմ յարձակելու պատրաստութիւնքը՝ պաշտպանողական դիրք մը առին եւ իրենց միւս ընկերաց կը նայէին, որ կ'ուզային բազմութեամբ վեց եօթ հոգի միասին իր ճամփան կտրելով, որ չի կարենայ Եփրատայ կողմն երթալ. իսկ սա տեսնելով նաեւ, որ առաջին խումբը եկեր միւսներուն կը խառնուի, եւ Գրիգոր ու Գազրիկ ազատած են, աստուծոյ յանձնէք զանոնք ու մտրակեց երկու ոտքով, ապահով, որ ոչ ոք իրեն կրնայ հասնիլ, եւ նժոյգն սկսաւ թռանիլ Ամանոսի լեռանց ուղղութեամբ: